

U skladu sa članom 90. Zakona o javnim nabavkama Bosne i Hercegovine („Službeni glasnik BiH“ broj 39/14), i članom 7. stav 1. tačka b) Pravilnika o postupku direktnog sporazuma („Službeni glasnik BiH“ broj 90/14), zaključen je slijedeći

UGOVOR O JAVNOJ NABAVCI ROBA

U Sarajevu dana 12.07.2017. godine, između:

POLJOPRIVREDNO-PREHRAMBENOG FAKULTETA U SARAJEVU, ul. Zmaja od Bosne broj 8. Sarajevo, koga zastupa dekan prof. dr Zlatan Sarić, (u daljem tekstu: UGOVARATELJ),

i

„SARAJEVO OSIGURANJE“ d.d. Sarajevo, ul. Čobanija 14, Sarajevo, koga zastupa v.d. direktor Arif Kulić, dipl.pravnik, (u daljem tekstu OSIGURAVATELJ)

I PREDMET UGOVORA

Član 1

Predmet ovog ugovora je pružanje usluga:

- Kolektivno-kombinovanog osiguranja svih radnika UGOVARATELJA od posljedica nesternog slučaja (nezgode) pri vršenju i van vršenja redovnog zanimanja tokom 24 sata bez vremenskog i prostornog ograničenja

Sve prema ponudi OSIGURAVATELJA od 23.06.2017. godine i Uvjetima osiguranja koji čine sastavni dio ovog Ugovora.

II OSIGURANJE ZAPOSLENIKA

Član 2

Osiguranje po ovom ugovoru pokriva posljedice nesretnog slučaja-nezgode, za smrt usljed nezgode, smrt usljed bolesti, trajni invaliditet i troškovi liječenja, nastali nad svim radnicima UGOVARATELJA pojedinačno.

Osigurani slučaj podrazumjeva iznenadni, nepredviđeni i od volje osiguraonika nezavisni događaj koji se desi pri vršenju i van vršenja redovnog zanimanja, tokom 24 sata bez vremenskog i prostornog ograničenja, tj. OSIGURAVATELJ se obavezuje da će UGOVARATELJU isplatiti naknadu štete ako štetni događaj ima za posljedicu:

❖ Smrt usljed bolesti	4.000,00 KM
❖ Smrt usljed nezgode/nesretnog slučaja	70.000,00 KM
❖ Trajni invaliditet	140.000,00 KM

Član 3

OSIGURAVATELJ se obavezuje da će korisniku osiguranja za ugovoreno kolektivno-kombinovano osiguranje, u skladu sa odredbama Općih i Drugih uvjeta za osiguranje lica od posljedica nesretnog slučaja/nezgode i Tablice za određivanje postotka trajnog invaliditeta kao posljedica nesretnog slučaja/nezgode, isplatiti:

- Osigurane sume za slučaj smrti usljed bolesti;
- Osigurane sume za slučaj smrti, ukoliko je usljed nezgode/nesretnog slučaja nastupila smrt korisnika;
- Osigurane sume za slučaj trajnog invaliditeta

Opći i Dopunski uvjeti za osiguranje lica od posljedica nezgode/nesretnog slučaja i Tablica za određivanje postotka za određivanje postotka trajnog invaliditeta kao posljedica nesretnog slučaja/nezgode, čine sastavni dio ovog Ugovora.

Član 4

Za osiguranje radnika od posljedica nezgode/nesretnog slučaja izdat će se jedna polica u kojoj se navodi broj osiguranih lica i ista čini sastavni dio Ugovora.

Spisak sa brojem i imenima radnika, pripremit će UGOVARATELJ i isti odmah dostaviti OSIGURAVATELJU.

Broj osiguranog osoblja može biti promjenljiv. Ukoliko dođe do eventualnih promjena u istom UGOVARATELJ će OSIGURAVATELJU prije početka mjeseca dostaviti brojčano stanje, što će predstavljati osnovicu za obračun premije osiguranja osoba za taj mjesec.

III PRAVA I OBAVEZE UGOVORNIH STRANA

Član 5

UGOVARATELJ se obavezuje:

- Dostaviti odmah broj i spisak radnika (brojčano stanje);
- U slučaju nastupa osiguranog slučaja poduzeti sve mjere u okviru mogućnosti za zaštitu radnika;
- Nakon nastupa osiguranog slučaja obavjestiti OSIGURAVATELJA o istom, uz dostavu svih podataka kojima raspolaže, a koji se odnose na utvrđivanje uzoraka osiguranog slučaja;
- Ukoliko dođe do eventualnih promjena broja radnika, UGOVARATELJ je dužan odmah OSIGURAVATELJU dostaviti podatke o promjenama, na osnovu kojeg će OSIGURAVATELJ izdati fakturu.

Član 6

OSIGURAVATELJ se obavezuje:

- Na osnovu pripremljenih i dostavljenih spiskova izraditi i uručiti policu osiguranja UGOVARATELJU;
- Obavijestiti UGOVARATELJA o svim promjenama koje mogu uticati na uslove osiguranja radnika;
- Isplatiti naknadu štete odmah, a najkasnije u roku ne dužem od 48 (četrdeset osam) sati od momenta kompletiranja dokumentacije potrebne za utvrđivanje pravne osnovanosti i visine odštetnih zahtjeva.

Obaveza OSIGURAVATELJA po osnovu osiguranja nastupa izdavanjem police u koju su navedene osigurane svote za svaki od rizika iz člana 2. ovog Ugovora.

IV PREMIJA OSIGURANJA

Član 7

Ugovorena premija osiguranja po radniku iznosi mjesečno 3,15 KM odnosno. Premija osiguranja na godišnjem nivou iznosi 37,80 KM po radniku.

USLOVI I NAČIN PLAĆANJA

Član 8

Plaćanje ugovorene premije osiguranja iz ovog Ugovora će se vršiti mjesečno po ispostavljenoj fakturi OSIGURAVATELJA.

IV PRELAZNE I ZAVRŠNE ODREDBE

Član 9

Ovaj ugovor se zaključuje na period od godinu dana počev od 01.08.2017.-01.08.2018. godine.

Ukoliko se jedna od ugovorenih strana ne pridržava odredbi ovog Ugovora, druga strana ima pravo na raskid ovog Ugovora pisanim putem uz otkazni rok od 30 (trideset) dana.

Ugovorne strane su saglasne da će u slučaju otkaza dovršiti sve započete poslove nastale u vremenskom periodu važenja ovog ugovora i izvršiti sve međusobne obaveze koje su preuzele prije isteka ili otkaza ovog Ugovora.

Ugovorne strane se obavezuju da će sve podatke koji se odnose na međusobno poslovanje, kao i podatke o poslovanju jedne od ugovorenih strana, čuvati kao poslovnu tajnu, utvrđenu obostranim dogovorom.

Član 10

Sve eventualne sporove koji nastanu u izvršenju ovog ugovora, ugovorene strane će nastojati da sporazumno riješe, a u slučaju da spor ne mogu sporazumno riješiti nadležan je sud sa sjedištem u Sarajevu.

Član 11

Ugovorne strane su ovaj Ugovor pročitale i razumjele, te ga u znak prihvatanja svojeručno potpisuju.

Član 12

Ovaj ugovor sačinjen je u 5 (pet) istovjetna primjerka od kojih UGOVARATELJ zadržava 3 (tri) primjerka, a OSIGURAVATELJ zadržava 2 (dva) primjerka.

OSIGURAVATELJ:  ME

Arif Kulić, dipl. pravnik, v.d. direktor

Broj: 01-1852/17

Datum: 21.07.2017

UGOVARATELJ: 

Prof. dr Zlatan Sarić, dekan

Broj: 01-1-1288/17

Datum: 12.07.2017. godine